

Rudnik Kakanj

Izvor nesreće neposredna krovina

Na Konferenciji za novinare saopšteni podaci o izvoru nesreće, dok se o uzrocima još ne može govoriti

Danas (13.10.2015) nešto iza 11 sati, održana je Konferencija za novinare, na kojoj su povodom nesreće u Rudniku Kakanj govorili premijer Federacije Fadil Novalić, v.d. generalnog direktora EP BiH Bajazid Jašarević, v.d. direktor Rudnika Kakanj Kasim Alajbegović i federalni rudarski inspektor Ferid Osmanović.

Rudarski inspektor je na konferenciji za novinare rekao da se u ovom trenutku ne može govoriti o uzroku nesreće, a da je izvor nesreće neposredna krovina koja se obrušila na rudare u radnom prostoru. Nesreća se dogodila na dubini od oko 105 metara. Rudari su radili na pripremi prostorije u koju se trebala montirati trafo stanica.

U jami Begići Bištrani poginuli su:

Muhamed (Muhameda) Sarač, rođen 1968, oženjen, jedno dijete, utovarivač, zaposlen 2004. godine.

Nermin (Kasima) Mušija, rođen 1977. godine, utovarivač, zaposlen 2013. godine.

Mijo (Ilije) Stojčić, rođen 1976. godine, oženjen, dvoje djece, utovarivač, zaposlen 2013. godine.

Sejad (Nedžiba) Gađun, rođen 1971. godine, dvoje djece, utovarivač, zaposlen 2013. godine.

Povrjeđeni su:

Haris (Omera) Mušija, 1972, zaposlen 1997. godine, nadzornik i Džemal (Kemala) Ibrahimspahić, 1980, utovarivač, zaposlen 2010. godine. Teže povrjeđeni rudar Haris Mušija hospitaliziran je u Kantonalnoj bolnici Zenica, van je životne opasnosti i ima prijelom natkoljenice. Lakše povrjeđeni rudar Džemal Ibrahimspahić nakon ukazana medicinske pomoći upućen je na kućno liječenje.